

ԳԻՏԱԿԱՆ ՍԵՍԻՍՆԵՐ

Մայիսի 14-ից 15-ը տեղի ունեցավ սովետահայ գրականության հարցերին նվիրված միացյալ գիտական սեսիա, որը կազմակերպել էին Հայկական ՍՍԻ գիտությունների ակադեմիայի Մ. Արեղյանի անվան գրականության ինստիտուտը և Հայաստանի սովետական գրողների միությունը։ Սեսիան ներածական խոսքով բացեց գրողների միության վարչության անդամ Բարտուղար էդ. Թոփչյանը։ Նա ընդգծեց ժամանակակից սովետահայ գրականության պրոբլեմների գիտական լուսարանության անհրաժեշտությունը մեր երկրի գրականության և արվեստի գործիչներին առաջադրված նոր, պատասխանատու խնդիրների հաջող կենսադործման համար։

Գրականագետ Վ. Մնացականյանի զեկուցումը նվիրված էր 1961—1962 թթ. սովետահայ սրբագրայի վերլուծությանը։ Քննարկելով այդ ժամանակաշրջանում մեր անվանի և երիտասարդ բանաստեղծների հրատարակած ժողովածուները, ինչպես և պարբերական մամուլում լույս տեսած չափածո գործերը, զեկուցողն արեց մի շարք գիտություններ՝ հիմք ընդունելով կյանքի և պոեզիայի սերտ կապի, գրականության ժողովրդայնության ու լեհիյան պարտականության շափանիչը։

«Սովետահայ ժամանակակից վեպը» թեմայով զեկուցում կարդաց բանասիրական գիտությունների թեկնածու Ջ. Ղուկասյանը։ Նա նշեց ինչպես վերջին տարիներին սովետահայ վիպագրության մեջ նկատված առաջընթացը, այնպես էլ տեղ գտած լուրջ թերությունները։

Բանասիրական գիտությունների թեկնածու Ա. Ջաբարյանի զեկուցումը նվիրված էր սովետահայ գրականագիտության և գրական քննադատության արդի վիճակին։ Զեկուցողը մանրամասնորեն կանդ առավ «Հայ նոր գրականության պատմություն» և «Սովետահայ գրականության պատմություն» ուսումնասիրությունների վրա՝ նշելով նրանց և՛ առավելությունները, և՛ սխալներն ու վրիպումները։ Այնուհետև նա վերլուծեց վերջին տարիներին լույս

տեսած գրականագիտական մենագրություններն ու տեսական-քննադատական հոդվածները։

«Սովետահայ պատմվածքը արդի էտապում» թեմայով զեկուցում կարդաց բանասիրական գիտությունների թեկնածու Ս. Արզումանյանը։ Երականագետ և գրող Խ. Գյուլնազարյանը սեսիայում զեկուցեց սովետահայ մանկական գրականության մասին։

Հայ խոշորագույն լեզվաբան Հրաչյա Աճառյանի հիշատակին էր նվիրված Երևանի պետական համալսարանի և ՀՍՍԻ ԳԱ լեզվի ինստիտուտի միացյալ գիտական սեսիան, որը տեղի ունեցավ մայիսի 16—17-ին։ Համալսարանի գիտական մասի պրոռեկտոր դոցենտ Վ. Նալբանդյանի բացման խոսքից հետո «Հրաչյա Աճառյանի կյանքը և գործը» թեմայով զեկուցում կարդաց Հայկական ՍՍԻ ԳԱ թղթակից-անդամ է. Աղայանը։ Լազերենի ուսումնասիրման գործում Հ. Աճառյանի ներդրած խոշոր ավանդի մասին սեսիայում զեկուցեց Վրացական ՍՍԻ ԳԱ ակադեմիկոս Ա. Զիկոբավան։ Զեկուցումներով հանդես եկան նաև Հայկական ՍՍԻ ԳԱ թղթակից-անդամներ Լ. Մելիքսեթ-Բեկը («Հ. Աճառյանը և Սայաթ-Նովայի պրոբլեմը») և Գ. Սեվակը («Լեզուն որպես ազգային մշակույթի բաղադրիչ»), պրոֆ. Գ. Զահուկյանը («Ուրարտեները և հնդեվրոպական լեզուները») և դոցենտ Հ. Բարսեղյանը («Հ. Աճառյանը հայոց լեզվի պատմության ուսումնասիրող»)։

Մեծ գիտնականի մասին հետաքրքիր հուշեր պատմեցին Հայկական ՍՍԻ ԳԱ ակադեմիկոս Ս. Գ. Հովհաննիսյանը, ԳԱ թղթակից-անդամ Մ. Հասրաթյանը և պատմական գիտությունների թեկնածու Ս. Բարխուդարյանը։

ՄԵԾԱՐՄԱՆ ԵՐԵԿՈՆԵՐ

Ապրիլի 26-ին Երևանի Խ. Աբովյանի անվան Հայկական մանկավարժական ինստիտուտում տեղի ունեցավ մեծարման երեկո՝ նվիրված Հայկական ՍՍԽ ԿՍ Թղթակից-անդամ,



գիտության վաստակավոր գործիչ Մուրուս Ստեփանի Հասարակական ծննդյան 60 և գիտական-մանկավարժական գործունեության 40-ամյակին:

Երեկոն ներածական խոսքով բացեց ինստիտուտի ուսկույր Վ. Համադասյանը: Այնուհետև պրոֆ. Ս. Հակոբյանը հանդամանորեն պատմեց հորեկյարի կյանքի և գործունեության մասին: Մ. Հասարակյանը երկար տարիներ և ուսանողն, բեղմնավոր աշխատանք է կատարել գիտական տարբեր հիմնարկներում և բարձրագույն ուսումնական հաստատություններում՝ ՀԿՊ Կենտկոմի պարտիայի պատմության ինստիտուտում, Ռեկուլցիայի թանգարանում, Հայկական ՍՍԽ գիտությունների ակադեմիայի պատմության և գրականության ինստիտուտներում, Խ. Աբովյանի անվան Հայկական մանկավարժական ինստիտուտում և այլուր:

Մ. Հասարակյանը խոշոր աշխատանք է ներդրել ականավոր լենինյան Սուրեն Սպանդարյանի հոգիվածների ժողովածուները կազմելու, խմբագրելու և հրատարակելու գործում: Նա հայ ժողովրդի պատմության դասագրքի հեղինակներից և խմբագիրներից մեկն է: Առանձ-

նուպես նշանակալից են Մ. Հասարակյանի գիտական հետազոտությունները հայ ժողովրդի XIII—XVIII դարերի պատմության կնճռոտ հարցերի լուսարանման ասպարեզում: Հորեկյարը հույն հմտությամբ գրադվել է նաև բանասիրությամբ՝ գիտության այդ մարդում ևս ստեղծելով նշանակալից արժեքներ: Երկար տարիներ նվիրելով սոցաթնովագիտությանը, Մ. Հասարակյանը անգնահատելի ավանդ է ներմուծել մեծ բանաստեղծի գրական ժառանգության խոր ու բազմակողմանի ուսումնասիրության, նրա բազմաթիվ խաղերի նոր մեկնաբանության, թարգմանության ու ծանոթագրության գործում, կատարելով բանասիրական և տեքստաբանական այնպիսի գիտողություններ, վերծանումներ ու շտկումներ, որոնք ունեն գիտական մեծ արժեք:

Զեկույցողը մանրամասնորեն կանգ առավ նաև հորեկյարի մանկավարժական գործունեության վրա, բնութագրելով նրան իբրև մեր հնագույն և հմուտ մանկավարժներից մեկը, որը դաստիարակել է գիտաշխատողների և ուսուցիչների մի քանի սերունդ:

Հորեկյարին ջերմորեն ողջունեցին Հայկական ՍՍԽ մինիստրների սովետի բարձրագույն և միջնակարգ մասնագիտական կրթության կոմիտեի նախագահ Գ. Հայրյանը, լուսավորության մինիստր Շ. Սիմոնյանը, Հայկական ՍՍԽ գիտությունների ակադեմիայի կողմից՝ ակադեմիկոսներ Ա. Ղարիբյանը և Ս. Երևմյանը, պրոֆ. Ի. Առաքելյանը, Ա. Ղանալանյանը, Երևանի պետական համալսարանի պրոֆեսոր Վ. Նալբանդյանը, ՀԿՊ Լենինականի քաղկոմի քարտուղար Գ. Ղարիբջանյանը, Հայկական մանկավարժական ինստիտուտի պրոֆեսոր Ա. Բարայանը, Ռուսաց և օտար լեզուների ինստիտուտի կողմից՝ Ռ. Մելքումյանը, Հեռակա մանկավարժական ինստիտուտի կողմից՝ Շ. Հարությունյանը, արվեստի ինստիտուտից՝ Ս. Բալթյանը, Սիսիանի շրջանի Լոր գյուղի դպրոցի ուսմասվար Գևորգյանը, Ճարտարապետների միության անունից՝ Վ. Հարությունյանը և ուրիշներ: Կարգացվեցին հորեկյարի անունով Մոսկովայից, Թբիլիսիից, Բարվից և Միության այլ քաղաքներից ստացված հեռագրերը:

Վերջում շնորհակալական խոսքով հանդես եկավ հորեկյարը:


Ա. ԽԱՉԱՏՐՅԱՆ

Հայկազ Գարբիելի Ասլանյանի ծննդյան 60-և գիտա-մանկավարժական գործունեության 35-ամյակին էր նվիրված մայիսի 25-ին Հայկական ՍՍՌ ԳԱ նիստերի դահլիճում կայացած մեծարման երեկոյն։ Փիլիսոփայության և իրավունքի սեկտորի ավագ դիտ. աշխատող, փիլիսոփայական գիտությունների թեկնածու Յա. Խաչիկյանի բացման խոսքից հետո հորեկյարի կյանքի ու գիտա-մանկավարժական գործունեության մասին զեկուցեց սեկտորի գիտնական քարտուղար, փիլիսոփայական գիտությունների թեկնածու Գ. Գրիգորյանը։

Հայկազ Ասլանյանը,—նշեց զեկուցողը,— Սովետական Հայաստանում փիլիսոփայական ճակատի հնագույն աշխատողներից մեկն է։ Սկսած 1928 թ. նա ծավալում է ակտիվ պրոպագանդիստական-դասախոսական և գիտակազմակերպչական գործունեություն, զգալի ավանդ մուծելով մեր ուսուցչական մասնագիտական կադրեր պատրաստելու, աշխատավորության գաղափարական դաստիարակության և փիլիսոփայության բնագավառում գիտա-հետազոտական աշխատանքները ղեկավարելու գործում։ Հ. Ասլանյանի գրչին են պատկանում դիալեկտիկական մատերիալիզմի առաջին ինքնուրույն հայերեն դասագիրքը (1930), մի շարք բրոշյուրներ և բազմաթիվ հոդվածներ՝ նվիրված դիալեկտիկական ու պատմական մատերիալիզմի և ուսու փիլիսոփայության պատմության կարևոր հարցերին, ինչպես նաև ժամանակակից բուրժուական փիլիսոփայության և սոցիոլոգիայի բննդատությանը։ Վերջերս նա ավարտել է հասարակական պրոգրեսի և պատմության փիլիսոփայության վերաբերյալ ժամանակակից բուրժուական բմրոնումների բրննադատությանը նվիրված իր ծավալուն աշխատությունը 1948—1956 թթ. ղեկավարելով ՍՄԿՊ Կենտկոմին կից Մարքսիզմ-լենինիզմի ինստիտուտի հայկական ֆիլիալի թարգմանությունների սեկտորը, Հ. Ասլանյանը ակտիվ մասնակցություն է ունեցել մարքսիզմի կլասիկ-

ների բազմաթիվ աշխատությունների հայերեն թարգմանության կարևոր գործում։

Գիտա-մանկավարժական գործունեության և կադրերի պատրաստման գործում մատուցած



ծառայությունների համար Հ. Ասլանյանը երկու անգամ (1941 և 1945 թթ.) պարգևատրվել է Հայկական ՍՍՌ Գերագույն Սովետի պատվոգրով։ Ծննդյան 60-և գիտա-մանկավարժական գործունեության 35-ամյակի կապակցությամբ հորեկյարին շնորհվեց Հայկական ՍՍՌ գիտության վաստակավոր գործչի պատվավոր կոչում։

Մեծարման երեկոյին Հ. Ասլանյանին շքանշանովորական ջերմ խոսքեր ուղղեցին ուսուպուրիկայի բազմաթիվ գիտա-հետազոտական հիմնարկների և բարձրագույն ուսումնական հաստատությունների ներկայացուցիչները։ Հորեկյարի անունով ստացվել էին ողջույնի հեռագրեր Միության փիլիսոփայական շատ հաստատություններից և առանձին անձանցից։

Երեկույի վերջում շնորհակալության իր խոսքն առաց հորեկյարը։

Վ. Վ.